

Temas 11, 12 e 13 - CONTABILIDADE E ANÁLISE CONTABLE

O PATRIMONIO DA EMPRESA: CONCEPTO DE PATRIMONIO.

O patrimonio da empresa está formado polos **bens, dereitos e obrigas** que nun momento determinado posúe unha empresa. Cada ben, dereito e obriga da empresa é un **elemento patrimonial**. Os **elementos patrimoniais** represéntanse mediante **contas**. As contas agrúpanse en masas patrimoniais.

O **Plan Xeral de Contabilidade** é unha norma legal que desenvolve as obrigas contables das empresas. O actual PGC foi aprobado no 2007 conforme ás normas contables internacionais.

CORRECCIÓNS VALORATIVAS: AS AMORTIZACIÓNS

A **amortización** dun activo non corrente é un **gasto** recollido na **Conta de Perdas e Ganancias** pola **depreciación** que cada ano teñen eses elementos do activo.

A amortización calcúlase polo valor que vai perdendo o activo non corrente ao ser empregados no proceso de produción. Esta **depreciación** ou perda de valor prodúcese por desgaste, por obsolescencia ou polo simple paso do tempo.

A **amortización acumulada** é un fondo que recolle a suma dos gastos ou amortizacións e cada ano. Este fondo serve para poder repoñer o activo depreciado. A amortización acumulada aparecerá no **Balance** con signo negativo, pois resta o valor do activo en cuestión. Así corrixe o valor dos elementos no balance. É unha fonte de financiamento para a empresa (financiamento interno por mantemento).

CONTAS ANUAIS

Balance: O Balance de situación é un estado contable de natureza estática que representa a estrutura económica e financeira da empresa.

Menos	ACTIVO NON CORRENTE Inmovilizado Intanxible Inmovilizado material Investimentos inmobiliarios Investimentos financeiros a longo prazo ACTIVO CORRENTE Existencias Debedores comerciais Investimentos financeiros a curto prazo Efectivo e outros activos líquidos	PATRIMONIO NETO PASIVO NON CORRENTE PASIVO CORRENTE	Menos
Liquidez			Exisibilidade
Máis			Máis

Conta de perdas e ganancias: A conta de perdas e ganancias recollerá o resultado do exercicio, separando debidamente os ingresos e os gastos, e distinguindo os resultados de explotación dos que non o sexan.

RESULTADO DE **EXPLOTACIÓN** = INGRESOS DE EXPLOTACIÓN - GASTOS DE EXPLOTACIÓN

RESULTADO **FINANCEIRO** = INGRESOS FINANCIEROS - GASTOS FINANCIEROS

RESULTADO **ANTES DE IMPOSTOS** = RESULTADOS DE EXPLOTACIÓN + RESULTADOS FINANCIEROS

RESULTADO DO **EXERCICIO** = RESULTADO ANTES DE IMPOSTOS - IMPOSTO SOBRE BENEFICIOS

O resultado de explotación tamén se chama BAI (beneficio antes de intereses e impostos)

Estado de cambio no patrimonio neto: É unha das novas contas anuais. Ten como obxecto informar dos motivos ou causas que provocaron cambios no patrimonio neto dun exercicio a outro. As causas son o resultado do exercicio, ampliacións e reducións de capital, subvencións, correccións ou axustes valorativos en elementos patrimoniais.

Estado de fluxos de efectivo: Porá de manifesto os cobramentos e os pagamentos realizados pola empresa, co fin de informar acerca dos movementos de efectivo (caixa ou bancos) producidos no exercicio. O EFE non é obrigatorio para as PEMES, só é obrigatorio no modelo NORAMAL, non no ABREVIADO.

Memoria: É o documento no que se describe, comenta e completa a información recollida nas outras contas anuais.

Concurso de acredores

Ata o ano 2004, cando unha empresa tiña problemas de "iliquidez" e non podía afrontar as súas débedas a curto prazo estaba en "**suspensión de pagamentos**". Se vendendo todo o seu activo non podía afrontar o pasivo esixible (problemas de insolvencia) a súa situación era de "**quebra**".

A partir da **Lei Concursal**, ante un problema de iliquidez ou insolvencia iníciase un **único procedemento** denominado **concurso**.


O **concurso de acredores** é un proceso que serve tanto para un problema de liquidez ou de insolvencia no patrimonio dunha **persoa física** ou dunha **empresa**.

O concurso pode ser **voluntario** (solicitado polo debedor) ou **necesario** (a instancia de acredor).

O obxectivo principal é lograr que a empresa siga en funcionamento e que se chegue a un **acordo** entre o debedor e os acredores, que aceptan tardar en cobrar ou reducir a cantidade debida. Só en casos excepcionais o concurso irá directamente á liquidación da empresa.

FONDO DE MANOBRRA (FM)

Para que exista equilibrio, débese cumprir que os recursos permanentes (patrimonio neto + pasivo non corrente) deben financiar todo o activo non corrente e tamén deben financiar unha parte do activo corrente. O FM é a **parte do Activo corrente financiada con Recursos permanentes**: $FM = AC - PC$



SITUACIÓNS PATRIMONIAIS

MÁXIMA ESTABILIDADE FINANCEIRA $A = PN$; non hai débedas.

ESTABILIDADE FINANCEIRA **NORMAL**: $FM > 0$

INESTABILIDADE FINANCEIRA A **CURTO** PRAZO: $FM < 0$ Problemas de liquidez.

Liquidez: capacidade da empresa para pagar débedas a curto prazo

INESTABILIDADE FINANCEIRA A **LONGO** PRAZO: problemas de solvencia. Non hai activos suficientes para pagar as débedas. As perdas reducen o patrimonio neto.

Solvencia: capacidade da empresa para pagar as débedas (a curto e a longo)

MÁXIMA INESTABILIDADE FINANCEIRA: $PERDAS = Pasivo$

RATIOS DE RENDIBILIDADE

RENDIBILIDADE ECONÓMICA = resultado de explotación / Activo

É a proporción do beneficio (beneficio sen imposto de beneficios e sen resultados financeiros) por cada euro investido en activos, sen importar como se financiaron eses activos.

RENDIBILIDADE FINANCEIRA = Resultado do exercicio / Patrimonio neto

Tamén se chama rendibilidade dos recursos propios. É a proporción de beneficio neto por cada euro de patrimonio neto investido na empresa.

RATIOS DE ANÁLISE FINANCEIRA

Hai que saber analizar os ratios. O seu valor dependerá moito do tipo de empresa, do sector de actividade,.... De todos xeitos, e xeneralizando, hai que lembrar que:

O Fondo de manobra debe ser positivo: Activo corrente > Pasivo corrente.

Os Debedores comerciais + Efectivo = Pasivo corrente

O Activo corrente debe ser aproximadamente do dobre do Pasivo corrente.

O Activo debe ser maior que o Pasivo (débedas).

O Pasivo (débedas) han de ser, como moito a metade de toda o financiamento da empresa. E dicir, o Pasivo (corrente e non corrente) non pode ser maior que o Patrimonio neto.